

## **De brug**

Iederien het mei van die daag  
dan hedde krampe in ow maag  
en enne kop vol met beton

al wat ge dut dat giet verkierd  
proat of ge noeit wat het gelierd  
alles wat fout kan goan giet fout

joa joa, dat haj ik vurrige weak  
'k stong op de brug boave de beak  
'k woj wat ruumte um meej hin

en toen inens, 't ging hiel vlug,  
'k vulde 'n hand op miene rug  
'n moeie megjesstem die zei:  
'wilde geej vannacht nog goan  
of bliefde heer vort altied stoan'

ik zei: 'nou en wat dan nog,  
of ik baal thoes of ik baal heer  
dat keumt toch op 't zelfde neer

ze lachte en ze keek meej aan  
'ik denk neet dat ge 't geluuve zult  
mar met wat proate en geduld  
en wat geluk komde 'n end

ik zei: 'alsteblyf nou genne preak  
da spring ik nou nog in de beak'  
en de moan lachte meej oet

't waas al merge, 't woord wir licht  
en met mien oege half dicht  
zei ik: 'ien ding begriep ik neet  
weej hebbe veul geproat vannacht  
alles wat neudig waas gezagd  
mar stel ik staj wir op die brug  
ik bin wir in rottigheid verzeild  
alles is ongeliek verdeild'

ze zei: 'dan pakte geej 'n pen  
schrief wat ou dwars zit op papeer  
pak de gitaa en 'n fles beer  
ik huur wal wat ge d'r van makt'

[Tekst en muziek: Jack Poels]

[cd 'Station America', HKM 1993]